



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Observatione Ieiuniorum. Titulus XLVI.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

Qua Forma Canonizandi?

Notat Hostiens. in Summa. Primò oportet inquiri de vita, morib⁹, rebus præclare gestis, c. miramur, dist. 91. Secūdo, vtrūm in vita persecutio- nes passus fuerit, c. omnis, 7. q. 1. Tertio inquire- dum de miraculis in vita, & post mortem factis. In quibus quatuor requiruntur. 1. Quòd à Deo non ex arte quadam procedant, c. teneamus, 1. q. 1. 2. Quòd sint contra naturam. 3. Quòd non ex vi verborum, sed ex pietate hominis hæc con- tingant, c. cum Marthæ, extr. de celebrat. Missa. 4. Quòd sint ad confirmationem fidei, arg. c. cate- chumenum, dist. 4. de consecrat.

Quid de Reliquijs?

Præcipit Innocentius III. in Concilio generali Prælatis, vt non permittant eos, qui ad eorum Ecclesias, causa venerationis accedunt, varijs lig- mentis, aut falsis documētis decipi, sicuti in ple- risque locis occasione quæstus fieri consuevit, c. cum eo, extr. eod. idèd ne quid in posterum Chri- stianæ religioni detrahatur, vt antiquæ reliquie extra capsam nullatenus ostendantur, nec expo- nantur venales: inuentas autem de nouo nemo publicè venerari præsumat, nisi prius authorita- te Pontificis fuerint approbatæ, decreto vetat, c. fin, extr. eod.

DE OBSERVATIONE IEIUNIORUM.

*Titulus XLVI.**Quid est Ieiunium?*

Ieiunium, teste Innocentio, in c. 1. extr. eod. est parsimonia victus, & abstinentia ciborum cer- tis

is ab Ecclesia institutis temporibus seruanda.

Vnde dicitur Ieiunium?

Ieiunium dicitur à quodam intestino ieiuno vocato, quod semper vacuum est, subtile, & ieiunum, mediaq; viscera vacua & exinanita relinquit, Innocent. d. c. 1. extr. eod.

Quotuplex Ieiunium?

Ieiunium triplex dicitur esse: Primum est afflictio carnis, ex abstinentia ciborum certis ab Ecclesia institutis diebus, ab hominibus communiter obseruanda, de quo propriè hoc titulo dicitur. Alterum dicitur perfectum, scilicet abstinentia à cunctis illecebris, iniquitatibus, & illicitis voluptatibus: de quo habetur in c. ieiuniū, dist. 5. Tertium dicitur, discreta & moderata ex naturali ratione conueniens refectio, secundum quam non luxuriosam sed temperatam vitam ducimus: de quo legitur in c. sint tibi, distinct. 5. de consecrat.

Qua causa Efficiens?

Potentia appetitiua hominis, & decreta Pontificum, ieiunia certis temporibus indicentium, c. consilium nostrum, ext. eod.

Quod Obiectum?

Abstinentia ciborum & vitiorum. Vnde ieiunium non tantum ab escis, sed à cunctis illecebris dicitur abstinentia.

Qua Forma?

Ieiunij obseruatio regulariter secundum naturæ legē constituitur: tantum enim cibi & potus, (vt ait Cicer. in Catone maiore) sumendum est, quo reficiantur, non opprimantur vires tam corporis quam ingenij. Sed determinatio temporis & mo

mo

modum ieiunandi secundum Pontificum institutum
Canonibus traditur, scilicet, c. soler, de consecrat.
dist. 1. & tot. tit. hoc, de obseruat. ieiuniorum.

Qui Effectus?

Humilitas, continentia, & castitas. Nam, ut dicit
Augustinus, purgat animam, mentem subleuat,
propriam carnem spiritui subijcit, cor facit con-
tritum, & humiliatum, concupiscentia nebulas
dispergit, libidinum ardores extinguit, castita-
tis vero lumen accendit.

DE PURIFICATIONE POST
partum.

Titulus XLVII.

*An mulier post partum aditum arceatur ab
ecclesia ingressu?*

LEge Mosaica, mulier, post partum, iudicaba-
tur immunda: ideo pariens masculum, usque
ad 40. foeminam autem si pareret, usque ad 80. dies
ab ingressu templi arcebatur. Hodie vero, cum
ymbra legis euanuerit, veritasque Evangelij illu-
xerit: si mulieres post partum editum, acture gra-
tias Deo, ecclesiam intrare voluerint, ne poena
illis in culpam conuerti videatur, nullus mulie-
ribus ad ecclesiam se conferre volentibus, adi-
tus pracludi debet, c. volens, extr. eod.

DE ECCLESIIS AEDIFICAN-
dis vel reparandis.

Titulus XLVIII.

An noua ecclesia extrui possint? Et quae requiruntur?

Non tantum ecclesiae ruinam minantes ex fa-